



USABIAGA SUKIA familia

OKOBIO Lazkaora bidean dagoen Zaldibiko azken baserria da. Hiru bizitza ditu: *Goikoene*, *Erdikoene* eta *Bekoene*.

Bekoenekoak dira Usabiaga Sukia familia.

Uren norabideari jarraituz, *Elbarrena* bailaran barneratzen da. Lazkaomendin dagoenez, ordea, harreman hurbil eta estua izan du Lazkaorekin ere: kilometro t'erdiren baitan Lazkaoko zortzi baserri ditu mendebaldera begira. San Joango ermita (*Anteportalatina*) dago guztien erdian, Maizurrene jattetxea alboan, San Joango iturria azpialdean.

Azken gerraondora arte iraun zuen ganadu ermandadeak; oraintxe arte iraun du Lartxaiko eskolak (Lazkao Txiki handiarenak). Argindarra, ura, eta asfaltoa ere, baserriz baserri, Lazkaomendin barrena etorri ziren Lazkaotik.

Beasaindik Lazkaomendin barrena etorri zen, XIX. mende hasieran (duela berrehun urte), Okobioko lehen Usabiaga (Prantxiko Iñixio, *Paskixio*), Gaintzako Mikaela Oiarbiderekin ezkondua; hauen seme Joan Baiztek eman zion segida, Lazkaoko *Iztueta Goiko* Dominika Intsaustirekin XIX. mende erdian ezkonduz; hauen seme Joxe Antoniok hurrena, Olaberriko *Ertzileko* Maria Prantxika Zubiarrairekin XX. mende hasieran ezkonduz. Hauen seme Joxe Domingo izan zen, Zaldibiko herrian barrena, *Errekaldeko* Maria Inazia Sukia 1930ean emaztetzat hartu zuena.

Zazpi seme-alaba izan zituzten eta hauetan alaba zaharrena, Joxepa Usabiaga Sukia, 1957an Astea-suko *Mintegia* baserriko Antonio Tapia Amenabarrekin ezkondu zen etxera, Okobioko lehen Tapia-ri hasiera emanez. Egun, hauen seme-alabek ematen diote jarraipena Okobioko oinordekotzari.

Informazio emailea:
Joxepa eta Iñaxio Usabiaga.





USABIAGA ZUBIARRAIN familia. 1924

Ezkerretik eskuinera, eserita, Prantxika eta Joxe Antonio gurasoak; zutik, Jospinaxi, Austiñ, Joakin eta Joxe Domingo, seme-alabak.



USABIAGA SUKIA familia.

Joxe Domingo eta Mariaren ezkontza:
1930/12/31



USABIAGA SUKIA familia. 1989

Ezkerretik eskuinera, eserita, Maria eta Joxe Domingo gurasoak; zutik, Joxepa, Anttoni, Iñaxio, Agustina, Joanita eta Mikel.



TAPIA USABIAGA familia.

Ezkerretik eskuinera, aurrean, Iratxe eta Andoni; atzean, Belen, Iñaki, Antonio eta Joxepa (gurasoak), eta Xabier.



TAPIA USABIAGA familia.

Antonio eta Joxeparen ezkontza: 1957/01/03
Zaldibiko elizan.